

Embaixadór Japaun selebra inaugurasaun Edifisiu Eskola Bázika Harekain iha Aldeia Raimea, Munisípiu Covalima.

11 Juñu 2025 Iha

Ioron 11 fulan Juñu tinan 2025, Sr. Tetsuya KIMURA, Embaixadór Japaun, marka prezensa iha serimónia inaugurasaun ba edifisiu eskola foun iha Edifisiu Eskola Bázika Harekain iha Aldeia Raimea, Munisípiu Covalima.

Serimónia ne'e organiza husi MAHON, NGO lokál ne'ebé implementa projetu ne'e. Sr. Miguel A. Cardoso, Prezidente Autoridade Munisípiu Covalima, ofisiál governu lokál autoridade relevante sira, profesór no estudante sira hamutuk ho Embaixadór Kimura iha serimónia ne'e.

Embaixadór Kimura afirma, “Ha'u hein ho laran tomak katak eskola ne'e sei sai fatin mehi no aspirasaun ba estudante sira, fó kbiit ba sira atu foti sira-nia pasu dahuluk ba sira-nia futuru ne'ebé nabilan. Ami hein atu serbisu hamutuk ho ita-boot sira hotu hodi apoia estudante sira no comunidade iha tinan sira tuirmai”.

Ba projetu ida ne'e, Governu Japaun fó USD \$ 72,992 liu husi ninia eskema Grant Asistencia ba Projetu Baze no Seguransa Umanu (GGP). Liuhusi projetu ne'e konstrui edifisiu eskola foun ida ho sala tolu no sala profesór ida, ne'ebé fó benefisiu ba estudante na'in 144 no profesór na'in 6 iha Eskola Bázika Harekain.

Dezde lansa projetu dahuluk iha tinan 2000, projetu hamutuk 141 mak implementa ona tuir eskema GGP iha munisípiu 13 hotu iha Timor-Leste. Projetu sira prinsipalmente fó asisténsia ba infraestrutura komunitária, inklui konstrusaun no reabilitasaun ba instalasaun eskolár sira, klínika pública sira, no sistema fornesimentu bee, hodi hatán ba nesesidade umanu báziku oioin iha baze.

(Remata)